

Vom ersten Stück / nemblich  
von der Lehre.

**D**ER Almechtige Barhafftige  
Gott hat gewißlich Engel vnd Men-  
schen geschaffen / mit wunderbarlichē  
Rath / daß er Creaturen habe / welchen er seine  
weißheit vnd gütigkeit mittheile / vnd von ihnen  
dagegen erkandt vnd geprenset werde. Vnd hatt  
dazu nach dem fall Adams vnd Eva auß grosser  
Barmherzigkeit vmb seines Sohns willen die  
Menschen wiederumb gnediglich angenommen  
vnd wil ihm für vnd für ein ewige Kirche im Men-  
schlichen Geschlecht samlen. Hatt sich darumb  
mit claren gewissen Zeugnussen vnd mirakeln ge-  
offenbaret / hatt seinen Sohn gesandt / vnd ein ge-  
wisse Lehre geben / dadurch wir ihn erkennen /  
recht anruffen vnd mit rechtem gehorsamb ehren  
sollen.

Diese Lehre hat er in der Propheten vnd  
Apostel schriftten fassen lassen / vnd hat Zeugnuß  
dazu gegeben / vnd bindet die Kirche also an diese

einige